

Comunicado di Chris Romero di MEP

Un caluroso pabien na tur mi coleganan educador riba Dia Internacional di Maestro

ORANJESTAD - E trabao di un maestro ta un combinacion di sa, amor pa e trabao, carisma y comprension. Nos ta traha tur dia cu muchanan, hobennan y hobennan adulto pa educa nan y forma nan pa despues nan sigui desaroya nan mes personal y profesionalmente. Pa esaki ta rekeri educacion, pensamiento critico y curiosidad pa siña. Enseñansa ta yuda nos studiantenan comprende e mundo eyfo mas miho y tambe comprende nan mes mas miho. Pensamento critico ta duna nos studiantenan e habilidad pa incorpora e enseñansa den nan bida y uza esaki na tur momento. Curiosidad ta pa nos studiantenan sigui studia pa sa mas y desaroya nan mes riba diferente tereno. Studiantenan ta confia den e maestro, tin hopi gana di siña tur dia, pero tambe nan ta in-

sigur.

Nan ta responde bon na e maestro cu ta scucha nan, respeta nan, inspira nan, cu ta en curasha nan pa bay dilanti y ta desaroya nan potenci-
anan, cada un riba nan nivel intelectual.

Un maestro ta un 'role model' den klas y den comunidad. Studiantenan ta wak e maestro cu respet y e maestro ta orguyoso di su studiantenan ora na final di dia nan a sali for di klas contento y satisfecho di a siña algo nobo.

Preparacion y efectividad ta puntonan importante den enseñansa. Un maestro ta exitoso ora e ta comprometi y dedica pa demostra su habilidad pa educa e estudiante.

Un maestro no solamente ta duna enseñansa den e materia pero tambe ta aporta pa yuda forma e mucha pa enfrenta e retonan bon y tambe esunnan menos bon cu tin den comu-

nidad y mundo henter. Por ehempel ora nan tin cu bay studia na un otro pais cu ta completamente straño pa nan. Educacion tin dos banda. E estudiante cu ta bin school prepara pa siña y e maestro cu ta crea e proceso pa duna enseñansa. Como maestro nos trabao ta pa stimula y en curasha e estudiante pa scucha y pensa bon pa su mes prome cu actua cu no ta djis duna un contesta. Alabes nos tambe tur dia ta siña algo nobo for di nos studiantenan. Nos tin retonan tur dia y na cua nivel cu

ta. Nos ta mayornan di nos yiunan pero tambe nos ta actua hopi biaha como mayornan di e studiantenan ora tin mester. Ki grandi ta e satisfaccion ora despues di tempo nos ta topa cu nos studiantenan y nan ta corda nos y ta saluda nos cu un sonrisa y ta agradecido pa tur e tempo, amor y pasenshi cu nos tabatin cu nan.

E maestro ta e constructor mas importante di un Pais, e ta educa y forma un Pueblo. Nos ta e motivacion y inspiracion pa nos studiantenan. Na mi coleganan maestra y

maestro, na tur cu ta traha den enseñansa, un caluroso pabien y tambe un danki, pasobra mi tambe un dia a sinta den klas y a wordo forma, mi yiunan ta na school y asina nos tur un dia a pasa y ta pasa cerca un of otro maestra of maestro.

Hunto nos ta sigui padilanti pa tur dia forma ciudadanonan capaz y responsabel pa enfrenta cualkier reto den bida. Pa nan ciudadanonan feliz y orguyoso di nan mes y orguyoso di ta forma parti di nos dushi Pais Aruba. □

